

Danię tertia Tabula, In qua Slesvicensis Ducatus pars & Holsatia.

Ducatus Slesvi-
censis.

Vnde dicatur.

Imperium majo-
rum.

Opida.

Senatores.

Holsatia.

Vnde dicta.

HÆC de Iutia Septentrionali; sequitur *Meridionalis*, quæ veteribus, quod a reliqua Germania per Albim fluvium ad Boream divulsa sit, atque interclusa, *Nordalbingia* est dicta. Ea duos ducatus Slesvicensem & Holsatiam complectitur, de quibus ordine nobis est dicendum. Ducatus Slesvicensis a Metropoli & per vetusto Emporio Slesvico nomen habet. Olim hæc regio *Ducatus Iutia*, dicebatur, quæ Waldemarus Abelis Regis Daniae Pronepos primus in feudum accepit ab Erico Rege circa annum 1280. Exstineta autem Regum ac Ducum stirpe mascula, & Ducatu Slesvicensi cum regno in unum redintegrato ac consolidato, *Margarita* trium Regnorum Regina ducatum Slesvicensem permisit *Gerardo* Comiti Holsatiae, hac conditione, ut a rege Daniae collatum beneficium recognosceret. Ceterum civitates Ducatui Slesvicensi subiectæ quia iisdem cum Danis gaudent privilegiis, eodem quoque jure cum iis utuntur. Subditiæ sententiis Magistratum cujusunque loci ad Principes accorum Senatores possunt provocare & non ultra, ut privilegiis cautum est. Generalis autem gubernatio horum Ducatuum Regi Daniae ac Adolpho Duci Holsatiae incumbit, & per vices ab uno ad alium transfertur. Proinde cum ad Regem devolvitur, Regiæ suæ Majestatis nomine per *Henricum Rantzovium* Vicarium Regis administratur. Præcipuum hujus Ducatus Opidum *Slesvicum* vulgo *Schleswick*. Germanicæ originis nuncupationem habet, ob situm, quem ad Sliam, in maris Balchici sinu obtinet. *Wickenim* & Opidum, & incurvum Maris recessum, sive sinum; & Vicum etiam priscis Saxonibus sonat. Quæmadmodum *Becanus*, in suis *Gotodanicis* observavit. Crantzius & qui Saxonum conscribere historias, aliam Slesvico appellationem attribuunt, quam etiamnum apud Danos & Frisios usus retinere videtur. Hi enim sua lingua hoc Opidum *Heidebui* vel *Heideba* nuncupant, eo quod a quadam Danię Regina, cui *Hethæ* nomen, dicant primitus esse conditum. Est autem peropportuno ad negotiationem situ, Portum habens ad exercenda commercia, commodissimum. Non procul ab hoc Opido *Gotorpia* arx sita est. Telonium hic celebre, ubi compertum, fertilibus annis ex Dania *L M Boum*, in Germaniam abacta vectigal solvisse. Est & in hoc ducatu *Flessburgum* Opidum celebre, hoc inter Montes excelsos, littori Maris Orientalis adjacet, in quod ejus Portus se extendit, tanta commoditate, profunditate & securitate, ut singuli fere cives ex domibus suis naves mercibus implere, & easdem rursus exonerare possint. Sunt & *Husennum*, *Hadersebia*. Habet unum hic Ducatus Episcopatum Slesvicensem: Capitula duo, Monasteria tria: Castra tam Principum, quam Nobilium varia. Ordo autem Senatorum cujus iam aliquoties facta mentio plerumque constat numero *xxiiii* personarum equestris ordinis, quibus adhibetur generalis Cancellarius, nec non nomine uniuscujusque Principis duo Iuris Doctores.

Holsatia Ducatus.

Holsatiam a silvarum saltuumque frequentia, quibus commune cum lignis nomen in lingua indigena est (nam & silvam & lignum promiscue *Hole* Cimbri ac Germani inferiores dicunt) nomen obtinere arbitrantur.

Est